


নবজাতক

নবজাতক

RARE BOOK

রবীন্দ্রনাথ ঠাকুর



3468.
2.1.42

বিশ্বভারতী গ্রন্থালয়
২১০, কনওআলিস স্ট্রীট, কলিকাতা

প্রকাশক—শ্রীকিশোরীমোহন সঁাভরা
বিশ্বভারতী গ্রন্থন-বিভাগ, ২১০, কর্নওয়ালিস স্ট্রীট, কলিকাতা

প্রথম সংস্করণ

...

...

বৈশাখ ১৩৪৭

মূল্য—১৥০

মুদ্রাকর—প্রভাতকুমার মুখোপাধ্যায়
শান্তিনিকেতন প্রেস, শান্তিনিকেতন

সূচনা

আমার কাব্যের ঋতুপরিবর্তন ঘটেছে বারে বারে।
প্রায়ই সেটা ঘটে নিজের অলক্ষ্যে। কালে কালে ফুলের
ফসল বদল হয়ে থাকে তখন মৌমাছির মধু জোগান নতুন
পথ নেয়। ফুল চোখে দেখবার পূর্বেই মৌমাছি ফুলগন্ধের
সূক্ষ্ম নির্দেশ পায়, সেটা পায় চারদিকের হাওয়ায়। যারা
ভোগ করে এই মধু তারা এই বিশিষ্টতা টের পায় স্বাদে।
কোনো কোনো বনের মধু বিগলিত তাব মাধুর্যে, তার রং
হয় রাঙা, কোনো পাহাড়ি মধু দেখি ঘন, আব তাতে রঙের
আবেদন নেই, সে শুভ্র, আবার কোনো আরণ্য সঞ্চয়ে একটু
তিক্ত স্বাদেরও আভাস থাকে।

কাব্যে এই যে হাওয়া বদল থেকে সৃষ্টিবদল এ তো
স্বাভাবিক, এমনি স্বাভাবিক যে এর কাজ হোতে থাকে
অন্যমনে। কবির এ সম্বন্ধে খেয়াল থাকে না। বাইরে
থেকে সমজদারের কাছে এর প্রবণতা ধরা পড়ে। সম্প্রতি
সেই সমজদারের সাড়া পেয়েছিলুম। আমার একশ্রেণীর
কবিতার এই বিশিষ্টতা আমার স্নেহভাজন বন্ধু অমিয়চন্দ্রের
দৃষ্টিতে পড়েছিল। ঠিক কী ভাবে তিনি এদের বিশ্লেষণ করে
পৃথক করেছিলেন তা আমি বলতে পারিনে। হয়তো

দেখেছিলেন এরা বসন্তের ফুল নয়, এরা হয়তো প্রোঢ় ঋতুর
ফসল, বাইরে থেকে মন ভোলাবার দিকে এদের ঔদাসীন্য।
ভিতরের দিকের মননজাত অভিজ্ঞতা এদের পেয়ে বসেছে।
তাই যদি না হবে তাহলে তো ব্যর্থ হবে পরিণত বয়সের
প্রেরণা। কিন্তু এ আলোচনা আমার পক্ষে সংগত নয়।
আমি তাই নবজাতক গ্রন্থের কাব্য গ্রন্থনের ভার অমিয়-
চন্দ্রের উপরেই দিয়েছিলুম। নিশ্চিন্ত ছিলাম কারণ দেশ-
বিদেশের সাহিত্যে ব্যাপকক্ষেত্রে তাঁর সঞ্চরণ।

রবীন্দ্রনাথ ঠাকুর

উদয়ন

৩ঠা এপ্রিল, ১৯৪০

সূচীপত্র

নবজাতক	নবীন আগন্তুক	১
উদ্বোধন	প্রথম যুগের উদয় দিগন্তে	৩
শেষ দৃষ্টি	আজি এ আঁখির শেষ দৃষ্টির দিনে	৫
প্রায়শ্চিত্ত	উপর আকাশে নাকানো তড়িৎ আলো	৭
বুদ্ধভক্তি	হংকৃত যুদ্ধের বাত	১১
কেন	জ্যোতিষীরা বলে	১৩
হিন্দুস্তান	মোরে হিন্দুস্থান	১৭
রাজপুতানা	এই ছবি রাজপুতানার	১৯
ভাগ্যরাজ্য	আমার এ ভাগ্যরাজ্যে পুরানো কালের	২৪
ভূমিকম্প	হায় ধরিত্রী, তোমার আঁধার পাতাল	২৮
পক্ষীমানব	যন্ত্রদানব, মানবে করলে পাখি	৩১
আহ্বান	বিশ্ব জুড়ে ক্ষুর ইতিহাসে	৩৪
রাতের গাড়ি	এ প্রাণ, রাতের রেলগাড়ি	৩৬
মৌলানা জিয়াউদ্দীন	কখনো কখনো কোনো অবসরে	৩৮
অস্পষ্ট	আজি ফাঙ্কনে দোল পূর্ণিমা রাত্রি	৪১
এপারে-ওপারে	রাস্তার ওপারে	৪৪
মংপু পাহাড়ে	কুজ্‌বাটিজাল যেই	৪৯

ইস্টেশন	সকাশ বিকাশ ইস্টেশনে অ'সি	৫২
জবাবদিহি	কবি হয়ে দোল উৎসবে	৫৬
সাড়ে ন'টা	সাড়ে ন'টা বেজেছে ঘড়িতে	৫৮
প্রবাসী	হে প্রবাসী	৬১
জন্মদিন	তোমরা রচিলে যারে	৬৩
প্রশ্ন	চতুর্দিকে বহিরাঙ্গ	৬৬
রোম্যান্টিক	আমাবে বলে যে ওরা রোম্যান্টিক	৬৮
ক্যাণ্ডীয় নাচ	সিংহলে সেই দেখেছিলেম	৭১
অবজিত	আমি চলে গেলে ফেলে বেখে যাব পিছু	৭৩
শেষ হিসাব	চেনা শোনার সাঁঝবেলাতে	৭৭
সন্ধ্যা	দিন সে প্রাচীন অতি প্রবীণ বিষয়ী	৮০
জয়ধ্বনি	যাবাব সময় হোলে	৮১
প্রজাপতি	সকালে উঠেই দেখি	৮৩
প্রবীণ	বিশ্ব জগৎ যখন করে কাজ	৮৬
রাত্রি	অভিভূত ধরণীর দীপনেভা তোরণদ্বারে	৮৮
শেষ বেলা	এল বেলা পাতা ঝাবাবারে	৯১
রূপ-বিরূপ	এই মোর জীবনের মহাদেশে	৯৩
শেষ কথা	এ ঘরে ফুরাল থেলা	৯৫

নবজাতক

নবজাতক

নবীন আগন্তুক,
নব যুগ তব যাত্রার পথে
চেয়ে আছে উৎসুক ।
কী বার্তা নিয়ে মর্ত্য এসেছ তুমি ;
জীবন রঙ্গভূমি
তোমার লাগিয়া পাতিয়াছে কী আসন ।
নর-দেবতার পূজায় এনেছ
কী নব সম্ভাষণ ।
অমরলোকের কী গান এসেছ শুনে' ।
তরুণ বীরের তুণে
কোন মহাত্মা বেঁধেছ কটির 'পরে
অমঙ্গলের সাথে সংগ্রাম তরে ।

নবজাতক

রক্তপ্লাবনে পঙ্কিল পথে
বিদ্বেষে বিচ্ছেদে
হয়তো রচিবে মিলন-তীর্থ
শান্তির বাঁধ বেঁধে ।
কে বলিতে পারে তোমার ললাটে লিখা
কোন্ সাধনার অদৃশ্য জয়টিকা ।
আজিকে তোমার অলিখিত নাম
আমরা বেড়াই খুঁজি'
আগামী প্রাতেব শুকতারার সম
নেপথ্যে আছে বুঝি ।
মানবের শিশু বারে বারে আনে
চির আশ্বাস বাণী
নূতন প্রভাতে মুক্তির আলো
বুঝিবা দিতেছে আনি ' ॥

শান্তিনিকেতন

১৯৮১৩৮

উদ্বোধন

প্রথম যুগেব উদয় দিগঙ্গনে
প্রথম দিনের উষা নেমে এল যবে
প্রকাশ-পিয়াসী ধরিত্রী বনে বনে
শুধায়ে ফিবিল, সুর খুঁজে পাবে কবে ।
এসো এসো সেই নব সৃষ্টির কবি
নব-জাগরণ যুগ-প্রভাতের রবি ।
গান এনেছিলে নব ছন্দেব তালে
তরুণী উষার শিশির-স্নানের কালে,
আলো আঁধারের আনন্দবিপ্লবে ॥

সে গান আজিও নানা রাগরাগিণীতে
শুনাও তাহাবে আগমনী সংগীতে
যে জাগায় চোখে নূতন দেখার দেখা ।
যে এসে দাঁড়ায় ব্যাকুলিত ধরণীতে
বন-নীলিমার পেলব সীমানাটিতে,
বহু জনতার মাঝে অপূর্ব একা ।

নবজাতক

অবাক আলোর লিপি যে বহিয়া আনে
নিভৃত প্রহরে কবির চকিত প্রাণে,
নব পরিচয়ে বিরহ ব্যথা যে হানে
বিহ্বল প্রাতে সংগীত সৌরভে,
দূর আকাশের অরুণিম উৎসবে ॥

যে জাগায় জাগে পূজার শঙ্খধ্বনি,
বনের ছায়ায় লাগায় পরশমণি,
যে জাগায় মোছে ধরার মনের কালী
মুক্ত করে সে পূর্ণ মাধুরী ডালি ।
জাগে সুন্দর, জাগে নির্মল, জাগে আনন্দময়ী—
জাগে জড়জয়ী ।

জাগো সকলের সাথে
আজি এ সুপ্রভাতে
বিশ্বজনের প্রাঙ্গণতলে লহ আপনার স্থান—
তোমার জীবনে সার্থক হোক
নিখিলের আহ্বান ॥

২৫ বৈশাখ

১৩৪৫

শেষ দৃষ্টি

আজি এ আঁখির শেষ দৃষ্টির দিনে
ফাগুন বেলার ফুলের খেলার
দানগুলি লব চিনে ।

দেখা দিয়েছিল মুখর গ্রহরে
দিনের ছয়ার খুলি
তাদের আভায় আজি মিলে যায়
রাঙা গোধূলির শেষ তুলিকায়
ক্ষণিকের রূপ-রচন-লীলায়
সঙ্ক্যার রং-গুলি ॥

যে অতিথিদেহে ভোরবেলাকার
রূপ নিল ভৈরবী,
অস্তরবির দেহলি ছয়ারে
বাঁশিতে আজিকে আঁকিল উহারে
মূলতানরাগে সুরের প্রতিমা
গেকুয়া রঙের ছবি ॥

নবজাতক

থনে থনে যত মর্মভেদিনী
বেদনা পেয়েছে মন
নিয়ে সে দুঃখ ধীর আনন্দে
বিষাদ-করণ শিল্পছন্দে
অগোচর কবি করেছে রচনা
মাধুরী চিরন্তন ॥
একদা জীবনে সুখের শিহব
নিখিল করেছে প্রিয় ।
মরণ পরশে আজি কুণ্ঠিত,
অন্তবালে সে অবগুণ্ঠিত
অদেখা আলোকে তাকে দেখা যায়
কী অনির্বচনীয় ॥
যা গিয়েছে তার অধবারূপের
অলখ পরশখানি
যা রয়েছে তারি তাবে বাঁধে সুর,
দিক সীমানাব পাবের সুদূর
কালের অতীত ভাষাব অতীত
শুনায় দৈববাণী ॥

সেঁজুতি

১২।১।৪০

প্রায়শ্চিত্ত

উপর আকাশে সাজানো তড়িৎ আলো—
নিম্নে নিবিড় অতি বর্ষর কালো
ভ্রামগর্ভের রাতে—
ক্ষুধাতুর আর ভূরিভোজীদের
নিদারুণ সংঘাতে
ব্যাপ্ত হয়েছে পাপের দুর্দহন,
সভ্যনামিক পাতালে যেথায়
জমেছে লুটের ধন ।

দুঃসহ তাপে গর্জি উঠিল
ভূমিকম্পের রোল,
জয়তোবণের ভিত্তিভূমিতে
লাগিল ভীষণ দোল ।
বিদীর্ণ হোলো ধনভাণ্ডারতল,
জাগিয়া উঠিছে গুপ্ত গুহার
কালীনাগিনীর দল ।
ছলিছে বিকট ফণা,
বিষনিশ্বাসে ফুঁসিছে অগ্নিকণা ।

নবজাতক

নিরর্থ হাহাকারে
দিয়ে না দিয়ে না অভিশাপ বিধাতারে ।
পাপের এ সঞ্চয়
সর্বনাশের পাগলের হাতে
আগে হয়ে যাক ক্ষয় ।
বিষম হুঃখে ব্রণের পিণ্ড
বিদীর্ণ হয়ে, তার
কলুষপুঞ্জ ক'রে দিক উদগার ।
ধরার বক্ষ চিরিয়া চলুক
বিজ্ঞানী হাড়গিলা,
রক্তসিক্ত লুক নখর
একদিন হবে ঢিলা ।

প্রতাপের ভোঞ্জে আপনারে যারা বলি করেছিল দান
সে দুর্বলের দলিত পিষ্ট প্রাণ
নরমাংসাসী করিতেছে কাড়াকাড়ি,
ছিন্ন করিছে নাড়ী ।
তীক্ষ্ণ দশনে টানাছেঁড়া তারি দিকে দিকে যায় ব্যোপে
রক্তপঙ্কে ধরার অঙ্ক লেপে ।
সেই বিনাশের প্রচণ্ড মহাবেগে
একদিন শেষে বিপুল বীর্য শাস্তি উঠিবে জেগে ।

নবজাতক

মিছে করিব না ভয়,
ক্ষোভ জেগেছিল তাহারে করিব জয় ।
জমা হয়েছিল আরামের লোভে
দুর্বলতার রাশি,
লাগুক তাহাতে লাগুক আগুন
ভস্মে ফেলুক প্রাসি' ।

ঐ দলে দলে ধার্মিক ভীক
কারা চলে গির্জায়
চাটুবাণী দিয়ে ভুলাইতে দেবতায় ।
দীনাত্মাদের বিশ্বাস, ওরা
ভীত প্রার্থনা রবে
শান্তি আনিবে ভবে ।
কুপণ পূজায় দিবে নাকো কড়ি-কড়া ।
থলিতে বুলিতে কষিয়া আঁটিবে
শত শত দড়িদড়া ।
শুধু বাণী-কৌশলে
জিনিবে ধরণীতলে ।
স্তুপাকার লোভ
বক্ষে রাখিয়া জমা
কেবল শাস্ত্র-মন্ত্র পড়িয়া
লবে বিধাতার ক্ষমা ।

নবজাতক

সবে না দেবতা হেন অপমান
এই ফাঁকি ভক্তির ।
যদি এ ভুবনে থাকে আজো তেজ
কল্যাণ শক্তির
ভীষণ যজ্ঞে প্রায়শ্চিত্ত
পূর্ণ করিয়া শেষে
নূতন জীবন নূতন আলোকে
জাগিবে নূতন দেশে ॥

বিজয়াদশমী

১৩৪৫

বুদ্ধভক্তি

[জাপানের কোনো কাগজে পড়েছি জাপানি সৈনিক যুদ্ধের সাফল্য কামনা করে বুদ্ধ মন্দিবে পূজা দিতে গিয়েছিল। ওরা শক্তির বাণ মারছে চীনকে, ভক্তির বাণ বুদ্ধকে।]

হংকৃত যুদ্ধের বাত

সংগ্রহ করিবারে শমনের খাত ।

সাজিয়াছে ওরা সবে উৎকট-দর্শন

দন্তে দন্তে ওরা করিতেছে ঘর্ষণ,

হিংসার উন্মায় দারুণ অধীর

সিদ্ধির বর চায় করুণানিধির,

ওরা তাই স্পর্ধায় চলে

বুদ্ধের মন্দির তলে ।

তুরী ভেরি বেজে ওঠে রোষে গরোগরো,

ধরাতল কেঁপে ওঠে ত্রাসে থরোথরো ।

গজিয়া প্রার্থনা করে

আর্তরোদন যেন জাগে ঘরে ঘরে ।

নবজাতক

আত্মীয় বন্ধন করি দিবে ছিন্ন
গ্রামপল্লীর র'বে ভাস্কর চিহ্ন ;
হানিবে শূন্য হতে বহি আঘাত,
বিচার নিকেতন হবে ধূলিসাৎ,
বক্ষ ফুলায়ে বর যাচে
দয়াময় বুদ্ধের কাছে ।
তুরী ভেরি বেজে ওঠে রোষে গরোগরো,
ধরাতল কেঁপে ওঠে ত্রাসে থরোথরো ।

হত আহতের গনি' সংখ্যা

তালে তালে মন্দিরিত হবে জয়ডঙ্কা ।
নারীর শিশুর যত কাটা-ছেঁড়া অঙ্গ
জাগাবে অটুহাসে পৈশাচী রঙ্গ,
মিথ্যায় কলুষিবে জনতার বিশ্বাস,
বিষ বাষ্পের বাণে রোধি দিবে নিঃশ্বাস,
মুষ্টি উচায়ে তাই চলে
বুদ্ধেরে নিতে নিজ দলে ।
তুরী ভেরি বেজে ওঠে রোষে গরোগরো,
ধরাতল কেঁপে ওঠে ত্রাসে থরোথরো ॥

শান্তিনিকেতন

৭।১।৩৮

কেন

জ্যোতিষীরা বলে
সবিতার আশ্রদান যজ্ঞের হোমায়ি বেদীতলে
যে জ্যোতি উৎসর্গ হয় মহারুদ্রতপে
এ বিশ্বের মন্দির-মণ্ডপে,
অতি তুচ্ছ অংশ তার ঝরে
পৃথিবীর অতি ক্ষুদ্র মৃৎপাত্রের পরে ।
অবশিষ্ট অমেয় আলোকধারা
পথহারা,
আদিম দিগন্ত হতে
অক্লান্ত চলেছে ধেয়ে নিরুদ্দেশ স্রোতে ।
সঙ্গে সঙ্গে ছুটিয়াছে অপার তিমির তেপান্তরে
অসংখ্য নক্ষত্র হতে রশ্মিপ্লাবী নিরন্ত নিখরে
সর্বত্যাগী অপব্যয়,
আপন সৃষ্টির পরে বিধাতার নির্মম অস্থায় ।
কিংবা এ কি মহাকাল কল্লকল্লাস্তুর দিনে রাতে
এক হাতে দান ক'রে ফিরে ফিরে নেয় অস্থ হাতে ।
সঙ্গে ও অপচয়ে যুগে যুগে কাড়াকাড়ি যেন,
কিন্তু কেন ।

নবজাতক

তার পরে চেয়ে দেখি মানুষের চৈতন্য-জগতে
ভেসে চলে সুখতুঃখ কল্পনা ভাবনা কত পথে ।
কোথাও বা জ্বলে ওঠে জীবন-উৎসাহ,
কোথাও বা সভ্যতার চিতাবহ্নিদাহ
নিভে আসে নিঃস্বতার ভস্ম অবশেষে ।
নির্বীর ঝরিছে দেশে দেশে
লক্ষ্যহীন প্রাণশ্রোত মৃত্যুর গহ্বরে ঢালে মহী
বাসনার বেদনার অজস্র বুদ্ধদপুঞ্জ বহি' ।
কে তার হিসাব রাখে লিখি ।
নিত্য নিত্য এমন কি
অফুরান আত্মহত্যা মানব-সৃষ্টির
নিরন্তর প্রলয়বৃষ্টির
অশ্রাস্ত প্লাবনে ।
নিরর্থক হরণে ভরণে
মানুষের চিন্তা নিয়ে সারাবেলা
মহাকাল করিতেছে দ্যুতখেলা
বাঁ হাতে দক্ষিণ হাতে যেন,—
কিন্তু কেন ।

প্রথম বয়সে কবে ভাবনার কী আঘাত লেগে
এ প্রশ্নই মনে উঠেছিল জেগে—

নবজাতক

শুধায়েছি এ বিশ্বের কোন্ কেন্দ্রস্থলে
মিলিতেছে প্রতি দণ্ডে পলে
অরণ্যের পর্বতের সমুদ্রের উল্লোল গর্জন
ঝটিকার মন্ত্রস্বন,
দিবস-নিশার
বেদনাবীণার তারে চেতনার মিশ্রিত ঝংকার,
পূর্ণ করি ঋতুর উৎসব
জীবনের মরণের নিত্য কলরব,
আলোকের নিঃশব্দ চরণপাত
নিয়ত স্পন্দিত করি' ছ্যালোকের অন্তহীন রাত ।
কল্পনায় দেখেছিছু প্রতিধ্বনি মণ্ডল বিরাজে
ব্রহ্মাণ্ডের অন্তর-কন্দর মাঝে ।
সেথা বাঁধে বাসা
চতুর্দিক হতে আসি' জগতের পাখা-মেলা ভাষা ।
সেথা হতে পুরানো স্মৃতিরে দীর্ণ করি'
সৃষ্টির আরম্ভ বীজ লয় ভরি' ভরি'
আপনার পক্ষপুটে ফিরে-চলা যত প্রতিধ্বনি ।
অনুভব করেছি তখনি
বহু যুগযুগান্তের কোন্ এক বাণীধারা
নক্ষত্রে নক্ষত্রে ঠেকি পথহারা
সংহত হয়েছে অবশেষে
মোর মাঝে এসে ।

নবজাতক

প্রশ্ন মনে আসে আরবার
আবার কি ছিন্ন হয়ে যাবে সূত্র তার,
রূপহারা গতিবেগ প্রেতের জগতে
চলে যাবে বহু কোটি বৎসরের শূন্য যাত্রাপথে ?
উজাড় করিয়া দিবে তার
পান্থের পাথেয় পাত্র আপন স্বল্পায়ু বেদনার—
ভোজশেষে উচ্ছিষ্টের ভাঙা ভাণ্ড হেন ।
কিন্তু কেন ।

শান্তিনিকেতন

১২।১০।৩৮

হিন্দুস্থান

মোরে হিন্দুস্থান
বার বার করেছে আহ্বান
কোন্ শিশুকাল হতে পশ্চিম দিগন্ত পানে,
ভারতের ভাগ্য যেথা নৃত্যলীলা করেছে শ্মশানে,
কালে কালে
তাণ্ডবের তালে তালে,
দিল্লিতে আগ্রাতে
মঞ্জীর ঝংকার আর দূর শকুনির ধ্বনি সাথে ;
কালের মন্বদগুঘাতে
উচ্ছলি উঠেছে যেথা পাথরের ফেনস্তূপে
অদৃষ্টের অট্টহাস্ত অভভেদী প্রাসাদের রূপে ।
লক্ষ্মী অলক্ষ্মীর দুই বিপরীত পথে
রথে প্রতিরথে
ধূলিতে ধূলিতে যেথা পাকে পাকে করেছে রচনা
জটিল রেখার জালে শুভ অশুভের আল্পনা ।
নব নব ধ্বজা হাতে নব নব সৈনিকবাহিনী
এক কাহিনীর সূত্র ছিন্ন করি' আরেক কাহিনী

নবজাতক

বারংবার গ্রস্থি দিয়ে করেছে যোজন ।
প্রাঙ্গণ প্রাচীর যার অকস্মাৎ করেছে লঙ্ঘন
দস্যুদল,
অর্ধরাত্রে দ্বার ভেঙে জাগিয়েছে আর্ত কোলাহল,
করেছে আসন-কাড়াকাড়ি,
ক্ষুধিতের অন্নখালি নিয়েছে উজাড়ি' ।
রাত্রিরে ভুলিল তারা ঐশ্বর্যের মশাল আলোয়
পীড়িত পীড়নকারী দৌহে মিলি, সাদায় কালোয়
যেখানে রচিয়াছিল দ্যুতখেলাঘর,
অবশেষে সেথা আজ একমাত্র বিরাট কবর
প্রাপ্ত হতে প্রাপ্তে প্রসারিত ;
সেথা জয়ী আর পরাজিত
একত্রে করেছে অবসান
বহু শতাব্দীর যত মান অসম্মান ।
ভগ্নজাহ্নু প্রতাপের ছায়া সেথা শীর্ণ যমুনায়
প্রেতের আহ্বান বহি' চলে যায়,
ব'লে যায়—
আরো ছায়া ঘনাইছে অস্ত দিগন্তের
জীর্ণ যুগান্তের ॥

শান্তিনিকেতন

১৯৪৩

রাজপুতানা

এই ছবি রাজপুতানার ;
এ দেখি মৃত্যুর পৃষ্ঠে বেঁচে থাকিবার
দুর্বিষহ বোঝা ।
হতবুদ্ধি অতীতের এই যেন খোঁজা
পথভ্রষ্ট বর্তমানে অর্থ আপনার,
শূন্যে হারানো অধিকার ।
ঐ তার গিরিহর্গে অবরুদ্ধ নিরর্থ ভ্রুকুটি,
ঐ তাব জয়স্তম্ভ তোলে ত্রুদ্ব মুঠি
বিরুদ্ধ ভাগ্যের পানে ।
মৃত্যুতে করেছে গ্রাস তবুও যে মরিতে না জানে,
ভোগ করে অসম্মান অকালের হাতে
দিনে রাতে,
অসাড় অন্তরে
গ্রানি অহুভব নাহি করে,

নবজাতক

আপনারি চাটুবাণ্ডে আপনারে ভুলায় আশ্বাসে—

জানে না সে

পরিপূর্ণ কত শতাব্দীর পণ্যরথ

উত্তীর্ণ না হোতে পথ

ভগ্নচক্র পড়ে আছে মরুর প্রান্তরে,

অিয়মান আলোকের প্রহরে প্রহরে

বেড়িয়াছে অন্ধ বিভাবরী

নাগপাশে, ভাষাভোলা ধূলির করুণা লাভ করি’

একমাত্র শাস্তি তাহাদের ।

লজ্বন যে করে নাই ভোলামনে কালের বাঁধের

অন্তিম নিষেধ সীমা—

ভগ্নস্থূপে থাকে তাব নামহীন প্রচ্ছন্ন মহিমা :

জেগে থাকে কল্পনার ভিত্তে

ইতিবৃত্তহারা তার ইতিহাস উদার ইঙ্গিতে ।

কিন্তু এ নিলজ্জ কারা ! কালের উপেক্ষা দৃষ্টি কাছে

না থেকেও তবু আছে ।

এ কী আশ্ব-বিস্মরণ মোহ,

বীৰ্যহীন ভিত্তি ’পরে কেন রচে শূন্য সমারোহ ।

রাজ্যহীন সিংহাসনে অতু্যক্তির রাজা,

বিধাতার সাজা ।

হোথা যারা মাটি করে চাম

রৌজবুষ্টি শিরে ধরি বারো মাস,

নবজাতক

ওরা কভু আধামিথ্যা রূপে
সত্যেরে তো হানে না বিক্রপে ।
ওরা আছে নিজ স্থান পেয়ে,
দারিদ্র্যের মূল্য বেশি লুপ্ত মূল্য ঐশ্বৰ্যের চেয়ে ।
এদিকে চাহিয়া দেখো টিটাগড় ।
লোষ্ট্রে লৌহে বন্দী হেথা কালবৈশাখীর পণ্য ঝড় ।
বণিকের দস্তে নাই বাধা,
আসমুদ্র পৃথিবীতে দৃপ্ত তার অক্ষুণ্ণ মর্যাদা ।
প্রয়োজন নাহি জানে ওরা
ভূষণে সাজায়ে হাতিঘোড়া
সম্মানের ভান করিবার,
ভুলাইতে ছদ্মবেশী সমুচ্চ তুচ্ছতা আপনার ।
শেষের পংক্তিতে যবে থামিবে ওদের ভাগ্যলিখা,
নামিবে অস্তিম যবনিকা,
উদ্ভাল রজতপিণ্ড উদ্ধারের শেষ হবে পালা
যন্ত্রের কিংকরগুলো নিয়ে ভস্মডালা
লুপ্ত হবে নেপথ্যে যখন
পশ্চাতে যাবে না রেখে প্রেতের প্রগল্ভ প্রহসন ।
উদাত্ত যুগের রথে বলাধরা সে রাজপুতানা
মরু প্রস্তরের স্তরে একদিন দিল মুষ্টি হানা,
তুলিল উদ্বেদ করি কলোলোলে মহা ইতিহাস
প্রাণে উচ্ছ্বসিত, মৃত্যুতে ফেনিল ; তারি তপ্তশ্বাস

নবজাতক

স্পর্শ দেয় মনে, রক্ত টেঁচে আবতিয়া বৃকে,
সে যুগের সুদূর সম্মুখে
স্তব্ধ হয়ে ভুলি এই কুপণ কালের দৈন্ত্যপাশে
জর্জরিত নতশির অদৃষ্টের অট্টহাসে
গলবদ্ধ পশুশ্রেণীসম চলে দিন পরে দিন
লজ্জাহীন ।

জীবন-মৃত্যুর দ্বন্দ্ব মাঝে
সেদিন যে হৃন্দুভি মল্লিয়াছিল, তার প্রতিধ্বনি বাজে
প্রাণের কুহরে গুমরিয়া । নির্ভয় ছর্দাস্ত খেলা
মনে হয় সেই তো সহজ, দূবে নিক্ষেপিয়া ফেলা
আপনারে নিঃসংশয় নিষ্ঠুর সংকটে । তুচ্ছ প্রাণ
নহে তো সহজ, মৃত্যুর বেদীতে যাব কোনো দান
নাই কোনো কালে, সেই তো ছর্ভর অতি,
আপনার সঙ্গে নিত্য বাল্যপনা দুঃসহ দুর্গতি ।
প্রচণ্ড সত্যেবে ভেঙে গল্লো রচে অলস কল্পনা
নিষ্কর্মার স্বাচ্ছন্দ্য উত্তেজনা,
নাট্যমঞ্চে ব্যঙ্গ করি বীর সাজে
তারস্বর আফালনে উন্মত্ততা কবে কোন্ লাজে ।
তাই ভাবি হে রাজপুতানা
কেন তুমি মানিলে না যথাকালে প্রলয়ের মানা,
লভিলে না বিনষ্টির শেষ স্বর্গলোক ;
জনতার চোখ

নবজাতক

দীপ্তিহীন

কৌতুকের দৃষ্টিপাতে পলে পলে করে যে মলিন।

শংকরের তৃতীয় নয়ন হতে

সম্মান নিলে না কেন যুগান্তের বহির আলোতে।

মংগু

১২ জ্যৈষ্ঠ, ১৩৪৫

ভাগ্যরাজ্য

আমার এ ভাগ্যরাজ্যে পুরানো কালের যে প্রদেশ,
আয়ুহারাদের ভগ্নশেষ
সেথা পড়ে আছে
পূর্ব দিগন্তের কাছে ।
নিঃশেষ করেছে মূল্য সংসারের হাটে,
অনাবশ্যকের ভাঙা ঘাটে
জীর্ণ দিন কাটাইছে তারা
অর্থহারা ।
ভগ্ন গৃহে লগ্ন ঐ অর্ধেক প্রাচীর ;
আশাহীন পূর্ব আসক্তির
কাঙাল শিকড়জাল
বুথা আঁকড়িয়া ধরে প্রাণপণে বর্তমান কাল ।
আকাশে তাকায় শিলা-লেখ,
তাহার প্রত্যেক

নবজাতক

অম্পষ্ট অক্ষর আজ পাশের অক্ষরে
ক্লান্তসুরে প্রশ্ন করে
আরো কি রয়েছে বাকি কোনো কথা,
শেষ হয়ে যায়নি বারতা ?

এ আমার ভাগ্যরাজ্যে অশ্রুত হোথায় দিগন্তরে
অসংলগ্ন ভিত্তিপরে
করে আছে চুপ
অসমাপ্ত আকাজক্ষার অসম্পূর্ণরূপ।
অকথিত বাণীর ইঙ্গিতে
চারিভিতে
নীরবতা উৎকণ্ঠিত মুখ
রয়েছে উৎসুক।
একদা যে যাত্রীদের সংকল্পে ঘটেছে অপঘাত,
অশ্রু পথে গেছে অকস্মাৎ
তাদের চকিত আশা,
স্থকিত চলার স্তব্ধ ভাষা
জানায়, হয়নি চলা সারা,
ছুরাশার দূরতীর্থ আজো নিত্য করিছে ইশারা।
আজিও কালের সভামাঝে
তাদের প্রথম সাজে

নবজাতক

পড়ে নাই জীর্ণতার দাগ,
লক্ষ্যচ্যুত কামনায় রয়েছে আদিম রক্তরাগ।
কিছু শেষ করা হয় নাই,
হেরো তাই
সময় যে পেল না নবীন
কোনোদিন
পুরাতন হোতে,
শৈবালে ঢাকেনি তা'রে বাঁধা-পড়া ঘাটে-লাগা স্রোতে,
স্মৃতির বেদনা কিছু, কিছু পরিতাপ,
কিছু অপ্রাপ্তির অভিশাপ
তারে নিত্য রেখেছে উজ্জল,
না দেয় নীরস হোতে মজ্জাগত গুপ্ত অশ্রুজল।
যাত্রাপথপাশে
আছ তুমি আধো ঢাকা ঘাসে,
পাথরে খুঁদিতেছিলু, হে মূর্তি, তোমারে কোন্ক্ষণে
কিসের কল্পনে ?
অপূর্ণ তোমার কাছে পাই না উত্তর।
মনে যে কী ছিল মোর
যে দিন ফুটিত তাহা শিল্পের সম্পূর্ণ সাধন্যতে
শেষ রেখাপাতে,
সে দিন তা জানিতাম আমি,
তার আগে চেষ্টা গেছে থামি।

নবজাতক

সেই শেষ না-জানার
নিত্য নিরন্তরখানি মর্মমাঝে রয়েছে আমার,
স্বপ্নে তার প্রতিবিম্ব ফেলি
সচকিত আলোকের কটাক্ষে সে করিতেছে কেলি ॥

ভূমিকম্প

হায় ধরিত্রী, তোমার আঁধার পাতাল দেশে
অন্ধ রিপু লুকিয়ে ছিল ছদ্মবেশে
সোনার পুঞ্জ যেথায় রাখো
আঁচল তলে যেথায় ঢাকো
কঠিন লৌহ, মৃত্যুদূতের চরণ-ধূলির
পিণ্ড তারা, খেলা জোঁগায়
যমালয়ের ডাঙাগুলির ॥

উপর তলায় হাওয়ার দোলায় নবীন ধানে
ধানশ্রীস্বর মূর্ছনা দেয় সবুজ গানে।
ছুঁখে সুখে স্নেহে প্রেমে
স্বর্গ আসে মর্ত্যে নেমে,
ঋতুর ডালি ফুল ফসলের অর্থ্য বিলায়
ওড়না রাঙে ধূপ-ছায়াতে
প্রাণনটিনীর মৃত্যুলীলায় ॥

নবজাতক

অন্তরে তোর গুপ্ত যে পাপ রাখলি চেপে
তার ঢাকা আজ স্তরে স্তরে উঠল কেঁপে ।
যে-বিশ্বাসের আবাসখানি
ঐক্য ব'লেই সবাই জানি
এক নিমেষে মিশিয়ে দিলি ধূলির সাথে,
প্রাণের দারুণ অবমানন
ঘটিয়ে দিলি জড়ের হাতে ॥

বিপুল প্রতাপ থাক্ না যতই বাহির দিকে
কেবল সেটা স্পর্ধা ব'লে রয় না টিঁকে ।
দুর্বলতা কুটিল হেসে
ফাটল ধরায় তলায় এসে
হঠাৎ কখন দিগব্যাপিনী কীর্তি যত
দর্পহারীর অটুহাস্তে
যায় মিলিয়ে স্বপ্নমতো ॥

হে ধরণী, এই ইতিহাস সহস্রবার
যুগে যুগে উদ্ঘাটিলে সামনে সবার ।
জাগল দস্ত বিরাট রূপে,
মজ্জায় তার চূপে চূপে

নবজাতক

লাগল রিপুব অলক্ষ্য বিষ সর্বনাশা,
কপক নাটো ব্যাখ্যা তারি
দিয়েছ আজ ভীষণ ভাষায় ॥

যে যথার্থ শক্তি সে তো শাস্তিময়ী,
সৌম্য তাহার কল্যাণরূপ বিশ্বজয়ী ।
অশক্তি তাব আসন পেতে
ছিল তোমার অন্তরেতে
সেই তো ভীষণ, নিষ্ঠুর তার বীভৎসতা,
নিজেব মধ্যে প্রতিষ্ঠাহীন
তাই সে এমন হিংসারতা ॥

পক্ষী মানব

যন্ত্র দানব, মানবে করিলে পাখি ।
স্থূল জল যত তার পদানত
আকাশ আছিল বাকি ॥
বিধাতার দান পাখিদের ডানা দুটি ।
রঙের রেখায় চিত্রলেখায়
আনন্দ উঠে ফুটি ;
তারা যে রঙিন পান্থ মেঘের সাথী ।
নীল গগনের মহা পবনের
যেন তারা এক জাতি ।
তাহাদের লীলা বায়ুর ছন্দে বাঁধা,
তাহাদের প্রাণ, তাহাদের গান
আকাশের সুরে সাধা ;
তাই প্রতিদিন ধরণীর বনে বনে
আলোক জাগিলে এক তানে মিলে
তাহাদের জাগরণে ।
মহাকাশ তলে যে মহাশাস্তি আছে
তাহাতে লহরী কাঁপে থরথরি
তাদের পাখার নাচে ।

নবজাতক

যুগে যুগে তারা গগনের পথে পথে
জীবনের বাণী দিয়েছিল আনি
অরণ্যে পর্বতে ;
আজি এ কী হোলো, অর্থ কে তার জানে ।
স্পর্ধা পতাকা মেলিয়াছে পাখা
শক্তির অভিমানে ।
তারে প্রাণদেব করেনি আশীর্বাদ ।
তাহারে আপন করেনি তপন
মানেনি তাহারে চাঁদ ।
আকাশের সাথে অমিল প্রচার করি'
কর্কশস্ববে গর্জন করে
বাতাসেরে জর্জরি' ।
আজি মানুষের কলুষিত ইতিহাসে
উঠি মেঘলোকে স্বর্গ আলোকে
হানিছে অট্টহাসে ।
যুগান্ত এল বুঝিলাম অনুমানে
অশাস্তি আজ উত্তত বাজ
কোথাও না বাধা মানে ;
ঈর্ষা হিংসা জ্বালি মৃত্যুর শিখা
আকাশে আকাশে বিরাট বিনাশে
জাগাইল বিভীষিকা ।

নবজাতক

দেবতা যেথায় পাতিবে আসনখানি
যদি তার ঠাই কোনোখানে নাই
তবে, হে বজ্রপাণি,
এ ইতিহাসের শেষ অধ্যায়তলে
রুদ্ধের বাণী দিক দাঁড়ি টানি
প্রলয়ের রোষানলে ॥
অর্তিধরার এই প্রার্থনা শুন
শ্রামবনবীথি পাখিদের গীতি
সার্থক হোক পুন ॥

২৫শে ফাল্গুন, ১৩৩৮

আহ্বান

(কানাডার প্রতি)

বিশ্ব জুড়ে ক্ষুর ইতিহাসে
অন্ধবেগে ঝঞ্ঝাবায়ু হংকারিয়া আসে
ধ্বংস করে সভ্যতার চূড়া ।
ধর্ম আজি সংশয়েতে নত,
যুগযুগের তাপসদের সাধন ধন যত
দানব পদদলনে হোলো গুঁড়া ।
তোমরা এসো তরুণ জাতি সবে
মুক্তির ঘোষণা বাণী জাগাও বীর রবে,
তোলো অজেয় বিশ্বাসের কেতু ।
রক্তে রাঙা ভাঙনধরা পথে
ছুর্গমেরে পেরোতে হবে বিশ্বজয়ী রথে,
পরান দিয়ে বাঁধিতে হবে সেতু ।
ত্রাসের পদাঘাতের তাড়নায়
অসম্মান নিয়ো না শিরে ভুলো না আপনায় ।

নবজাতক

মিথ্যা দিয়ে চাতুবী দিয়ে বচিয়া গৃহাবাস
পৌকষেরে কোবো না পরিহাস ।
বাঁচাতে নিজ প্রাণ
বলির পদে দুর্বলেবে কোরো না বলিদান ॥

১ এপ্রিল, ১৯৩৯

জোড়াসাঁকো।

রাতের গাড়ি

এ প্রাণ, রাতের রেলগাড়ি,
দিল পাড়ি,
কামরায় গাড়িভরা ঘুম,
রজনী নিঝুম।
অসীম আধারে
কালি-লেপা কিছু নয় মনে হয় যারে
নিদ্রার পারে রয়েছে সে
পরিচয়হাবা দেশে।
ক্ষণ আলো ইঙ্গিতে উঠে বলি,
পার হয়ে যায় চলি
অজানার পরে অজানায়
অদৃশ্য ঠিকানায়।
অতি দূর তীর্থের যাত্রী,
ভাষাহীন রাত্রি,
দূরের কোথা যে শেষ
ভাবিয়া না পাই উদ্দেশ।

নবজাতক

চালায় যে নাম নাহি কয়,
কেউ বলে যন্ত্র সে আর কিছু নয়।
মনোহীন বলে তারে, তবু অন্ধের হাতে
প্রাণমন ঝঁপি দিয়া বিছানা সে পাতে।
বলে সে অনিশ্চিত, তবু জানে অতি
নিশ্চিত তার গতি।
নামহীন যে অচেনা বারবার পার হয়ে যায়
অগোচরে যারা সবে রয়েছে সেথায়,
তারি যেন বহে নিঃশ্বাস,
সন্দেহ আড়ালেতে মুখ-ঢাকা জাগে বিশ্বাস।
গাড়ি চলে,
নিমেষ বিরাম নাই আকাশের তলে।
ঘুমের ভিতরে থাকে অচেতনে
কোন্ দূর প্রভাতের প্রত্যাশা নিদ্রিত মনে ॥

উদয়ন

২৮/৩/৪০

মোলানা জিয়াউদ্দীন

কখনো কখনো কোনো অবসরে
নিকটে দাঁড়াতে এসে,
“এই যে” ব’লেই তাকাতেম মুখে,
“বোসো” বলিতাম হেসে।
ছ’চারটে হোত সামান্য কথা,
ঘরের প্রশ্ন কিছু,
গভীর হৃদয় নীরবে রহিত
হাসিতামাশার পিছু।
কত সে গভীর প্রেম সুনিবিড়,
অকথিত কত বাণী,
চিরকাল তরে গিয়েছে যখন
আজিকে সে কথা জানি।
প্রতি দিবসের তুচ্ছ খেয়ালে
সামান্য যাওয়া-আসা
সেটুকু হারালে কতখানি যায়
খুঁজে নাহি পাই ভাষা।

নবজাতক

তব জীবনের বহু সাধনার
যে পণ্যভার ভরি'
মধ্যদিনের বাতাসে ভাসালে
তোমার নবীন তরী
যেমনি তা হোক মনে জানি তার
এতটা মূল্য নাই
যার বিনিময়ে পাবে তব স্মৃতি
আপন নিত্য ঠাই,—
সেই কথা স্মরি বার বার আজ
লাগে ধিক্কার প্রাণে
অজানা জনের পরম মূল্য
নাই কি গো কোনোখানে ।
এ অবহেলার বেদনা বোঝাতে
কোথা হতে খুঁজে আনি
ছুরির আঘাত যেমন সহজ
তেমন সহজ বাণী ।
কারো কবিত্ব কারো বীরত্ব
কারো অর্থের খ্যাতি,
কেহ বা প্রজার সুহৃদ্ সহায়
কেহ বা রাজার জ্ঞাতি,
তুমি আপনার বন্ধুজনেরে
মাধুর্যে দিতে সাড়া

নবজাতক

ফুরাতে ফুরাতে র'বে তবু তাহা
সকল খ্যাতির বাড়ি ।
ভরা আঁচের যে মালতীগুলি
আনন্দ মহিমায়
আপনার দান নিঃশেষ করি'
ধুলায় মিলায়ে যায়—
আকাশে আকাশে বাতাসে তাহারা
আমাদের চারিপাশে
তোমার বিরহ ছড়িয়ে চলেছে
সৌরভ নিঃস্থাসে ॥

শান্তিনিকেতন

৮।৭।৩৮

অম্পাট

আজি ফাস্তনে দোল পূর্ণিমা রাত্রি,
উপছায়া-চলা বনে বনে মন
আব্ছা পথের যাত্রী ।
ঘুম-ভাঙানিয়া জোছনা
কোথা থেকে যেন আকাশে কে বলে
একটুকু কাছে বোসো না ।
ফিস্ ফিস্ করে পাতায় পাতায়,
উস্খুস্ করে হাওয়া ।
ছায়ার আড়ালে গন্ধরাজের
তন্দ্রাজড়িত চাওয়া ।
চন্দ্রনিদহে থৈ থৈ জল
ঝিক্ ঝিক্ করে আলোতে,
জামরুল গাছে ফুলকাটা কাজে
বুহুনি সাদায় কালোতে ।
প্রহরে প্রহরে রাজার ফটকে
বহুদূরে বাজে ঝণ্টা ।

নবজাতক

জ্যেগে উঠে বসে ঠিকানা-হারানো
শূন্য-উধাও মনটা ।
বুঝিতে পারিনে কত কী শব্দ,
মনে হয় যেন ধারণা
রাতের বৃকের ভিতরে কে করে
অদৃশ্য পদ-চারণা ।
গাছগুলো সব ঘুমে ডুবে আছে
তন্দ্রা তারায় তারায়,
কাছের পৃথিবী স্বপ্ন প্লাবনে
দূরের প্রান্তে হারায় ।
রাতের পৃথিবী ভেসে উঠিয়াছে
বিধির নিশ্চেতনায়,
আভাষ আপন ভাষার পরশ
খোঁজে সেই আনমনায় ।
রক্তের দোলে যে সব বেদনা
স্পষ্ট বোধের বাহিরে,
ভাবনা প্রবাহে বুদ্ধুদ তারা
স্থির পরিচয় নাহি রে ।
প্রভাত আলোক আকাশে আকাশে
এ চিত্র দিবে মুছিয়া,
পরিহাসে তার অবচেতনার
বঞ্চনা যাবে ঘুচিয়া ।

নবজাতক

চেতনার জালে এ মহাগহনে
বস্তু যা-কিছু টিঁকিবে,
সৃষ্টি তারেই স্বীকার করিয়া
স্বাক্ষর তাহে লিখিবে ।
তবু কিছু মোহ, কিছু কিছু ভুল
জাগ্রত সেই প্রাপনার
প্রাণতন্তুতে রেখায় রেখায়
রং রেখে যাবে আপনার ।
এ জীবনে তাই রাত্রির দান
দিনের রচনা জড়ায়ে
চিন্তা কাজের ফাঁকে ফাঁকে সব
রয়েছে ছড়ায়ে ছড়ায়ে ।
বুদ্ধি যাহারে মিছে ব'লে হাসে
সে যে সত্যের মূলে
আপন গোপন রস সঞ্চারে
ভরিছে ফসলে ফুলে ।
অর্থ পেরিয়ে নিরর্থ এসে
ফেলিছে রঙিন ছায়া,
বাস্তব যত শিকল গড়িছে,
খেলেনা গড়িছে মায়া ॥

উদয়ন

২৭।৩।৪০

এপারে-ওপারে

রাস্তার ওপাবে

বাড়িগুলো ঘাঁঘাঘেঁষি সাবে সারে ।

ওখানে সবাই আছে

ক্ষীণ যত আড়ালের আড়ে আড়ে কাছে কাছে ।

যা খুশি প্রসঙ্গ নিয়ে

ইনিয়ে বিনিয়ে

নানা কণ্ঠে বকে যায় কলস্ববে ।

অকাবণে হাত ধবে ;

যে যাহারে চেনে,

পিঠেতে চাপড় দিয়ে নিয়ে যায় টেনে

লক্ষ্যহীন অলিতে গলিতে

কথা কাটাকাটি চলে গলাগলি চলিতে চলিতে ।

বুধাই কুশলবার্তা জানিবাব ছলে

প্রশ্ন করে বিনা কৌতুহলে ।

নবজাতক

পরস্পারে দেখা হয়
বাঁধা ঠাট্টা করে বিনিময় ।
কোথা হতে অকস্মাৎ ঘরে ঢুকে
হেসে ওঠে অহেতু কৌতুকে ।
“আনন্দবাজার” হতে সংবাদ উচ্ছিষ্ট ঘেঁটে ঘেঁটে
ছুটির মধ্যাহ্নবেলা বিষম বিতর্কে যায় কেটে ।
সিনেমা নটীর ছবি নিয়ে দুই দলে
রূপের তুলনা ধম্ব্ব চলে,
উদ্ভাপ প্রবল হয় শেষে
বন্ধুবিচ্ছেদের কাছে এসে ।
পথপ্রান্তে দ্বারেব সম্মুখে বসি
ফেরিওয়ালাদের সাথে ছাঁকো হাতে দর-কষাকষি ।
একহ সুরে দম দিয়ে বার-বার
গ্রামোফোনে চেপ্টা চলে থিয়েটারি গান শিখিবার ।
কোথাও কুকুবছানা ঘেউ ঘেউ আদরের ডাকে
চমক লাগায় বাড়িটাকে ।
শিশু কঁাদে মেঝে মাথা হানি,
সাথে চলে গৃহিণীর অসহিষ্ণু তীব্র ধমকানি ।
তাস পিটোনির শব্দ, নিয়ে জিত হার
থেকে থেকে বিষম চীৎকার ।
যেদিন ট্যান্ড্রিতে চড়ে জামাই উদয় হয় আসি,
মেয়েতে মেয়েতে হাসাহাসি,

নবজাতক

টেপাটেপি কানাকানি,
অঙ্গরাগে লাজুকেরে সাজিয়ে দেবার টানাটানি ।
দেউড়িতে ছাতে বারান্দায়
নানাবিধ আনাগোনা ক্ষণে ক্ষণে ছায়া ফেলে যায় ।

হেথা দ্বার বন্ধ হয় হোথা দ্বার খোলে,
দড়িতে গামছা ধুতি ফরফর্ শব্দ করি ঝোলে ।
অনিদিষ্ট ধ্বনি চারি পাশে
দিনে রাত্রে কাজের আভাসে ।
উঠোনে অনবধানে খুলে রাখা কলে
জল বহে যায় কলকলে ;
সিঁড়িতে আসিতে যেতে
রাত্রিদিন পথ স্যাংসেঁতে ।
বেলা হোলে ওঠে ঝনঝনি
বাসনমাজার ধ্বনি ।
বেড়ি হাতা খুন্তি রান্নাঘরে
ঘরকরনার সুরে ঝংকার জাগায় পরস্পরে ।
কড়ায় শর্সের তেল চিড়বিড় ফোটে,
তারি মধ্যে কই মাছ অকস্মাৎ ছাঁক করে ওঠে ।
বন্দেমাতরম্ পেড়ে সাড়ি নিয়ে তাঁতি বউ ডাকে
বউমাকে ।

নবজাতক

খেলার ট্রাইসিকেলে
ছড়ছড় খড়খড় আঙিনায় ঘোরে কার ছেলে ।
যাদের উদয় অস্ত আপিসের দিক্চক্রবালে
তাদের গৃহিণীদের সকালে বিকালে
দিন পরে দিন যায়
দুই বার জোয়ার ভাঁটায়
ছুটি আর কাজে ।
হোথা পড়ামুখস্থের একঘেয়ে অশ্রান্ত আওয়াজে
ধৈর্য হারাইছে পাড়া,
এগজামিনেশনে দেয় তাড়া ।

প্রাণের প্রবাহে ভেসে
বিবিধ ভঙ্গীতে ওরা মেশে ।
চেনা ও অচেনা
লঘু আলাপের ফেনা
আবতিয়া তোলে
দেখাশোনা আনাগোনা গতির হিল্লোলে ।
রাস্তার এপারে আমি নিঃশব্দ ছপুরে
জীবনের তথ্য যত ফেলে রেখে দূরে
জীবনের তত্ত্ব যত খুঁজি
নিঃসঙ্গ মনের সঙ্গে যুঝি,

নবজাতক

সারাদিন চলেছে সন্ধান

তুরুর ব্যর্থ সমাধান ।

মনের ধূসর কূলে

প্রাণের জোয়ার মোরে একদিন দিয়ে গেছে তুলে ।

চারিদিকে তীক্ষ্ণ আলো ঝকঝক করে

রিক্তরস উদ্ভোপ্ত প্রহরে ।

ভাবি এই কথা—

ওইখানে ঘনীভূত জনতার বিচিত্র তুচ্ছতা

এলোমেলো আঘাতে সংঘাতে

নানা শব্দ নানা রূপ জাগিয়ে তুলিছে দিনরাতে ।

কিছু তার টেকে নাকো দীর্ঘকাল,

মাটিগড়া মৃদঙ্গের তাল

ছন্দটারে তার

বদল করিছে বারংবার ।

তারি ধাক্কা পেয়ে মন

ক্ষণেক্ষণ

ব্যগ্র হয়ে ওঠে জাগি

সর্বব্যাপী সামান্যের সচল স্পর্শের লাগি ।

আপনার উচ্চতট হতে

নামিতে পারে না সে যে সমস্তের ঘোলা গঙ্গাশ্রোতে ।

পুরী

২০ বৈশাখ, ১৩৪৬

মংপু পাহাড়ে

কুজ্জাটিজাল যেই

সরে গেল মংপু-র

নীল শৈলের গায়ে

দেখা দিল রঙপুর।

বহুকালে জাহ্নকর, খেলা বহুদিন তার,
আর কোনো দায় নেই, লেশ নেই চিন্তার।

দূর বৎসর পানে ধ্যানে চাই যদূর
দেখি লুকোচুরি খেলে মেঘ আর রোদ্দুর।

কত রাজা এল গেল, ম'ল এরি মধ্যে,
লড়েছিল বীর, কবি লিখেছিল পড়ে।

কত মাথা-কাটাকাটি সভ্যে-অসভ্যে,
কত মাথা-ফাটাফাটি সনাতনে নব্যে।

ঐ গাছ চিরদিন যেন শিশু মস্ত,
সূর্য উদয় দেখে, দেখে তার অস্ত।

ঐ ঢালু গিরিমালা, রুক্ষ ও বক্ষা,
দিন গেলে ওরি 'পরে জপ করে সন্ধ্যা।

নিচে রেখা দেখা যায় ঐ নদী তিস্তার,
কঠোরের স্বপ্নে ও' মধুরের বিস্তার।

নবজাতক

হেনকালে একদিন বৈশাখী গ্রীষ্মে,
টানা-পাখা-চলা সেই সেকালের বিশ্বে
রবিঠাকুরের দেখা সেইদিন মাস্তুর,
আজি তো বয়স তার কেবল আঠান্তর,
সাতের পিঠের কাছে এক ফোঁটা শূন্য ;
শত শত বরষের ওদের তারুণ্য ।
ছোটো আয়ু মানুষের, তবু এ কী কাণ্ড,
এটুকু সীমায় গড়া মনোব্রহ্মাণ্ড ;
কত সুখে দুখে গাঁথা, ইষ্টে অনিষ্টে,
সুন্দরে কুৎসিতে, তিক্তে ও মিষ্টে,
কত গৃহ-উৎসবে, কত সভা-সজ্জায়,
কত রসে মজ্জিত অস্থি ও মজ্জায়,
ভাষার নাগাল-ছাড়া কত উপলব্ধি,
ধেয়ানের মন্দিরে আছে তার স্তব্ধি' ।
অবশেষে একদিন বন্ধন খণ্ডি'
অজানা অদৃষ্টের অদৃশ্য গণ্ডি
অস্তিম নিমেষেই হবে উত্তীর্ণ ।
তখনি অকস্মাৎ হবে কি বিদৌৰ্ণ
এত রেখা এত রঙে গড়া এই সৃষ্টি,
এত মধু অঞ্জে রঞ্জিত দৃষ্টি ।
বিধাতা আপন ক্ষতি করে যদি ধার্য,
নিজেরই ত'বিল-ভাঙা হয় তার কার্য,

নবজাতক

নিমেষেই নিঃশেষ করি ভরা পাত্র
বেদনা না যদি তার লাগে কিছু মাত্র,
আমারি কী লোকসান যদি হই শূন্য,
শেষ ক্ষয় হোলে কারে কে করিবে ক্ষুণ্ণ ।
এ জীবনে পাওয়াটারই সীমাহীন মূল্য,
মরণে হারানোটা তো নহে তার তুল্য ।
রবিঠাকুরের পালা শেষ হবে সত্ত্ব,
তখনো তো হেথা এক অখণ্ড অদ্ভুত
জাগ্রত র'বে চিরদিবসের জন্তে
এই গিরিতটে এই নীলিম অবণ্যে ।
তখনো চলিবে খেলা নাই যার যুক্তি,
বারবার ঢাকা দেওয়া, বারবার মুক্তি ।
তখনো এ বিধাতার সুন্দর ভ্রান্তি
উদাসীন এ আকাশে এ মোহন কান্তি ॥

মংগু

১০ জুন, ১৯৩৮

ইস্টেশন

সকাল বিকাল ইস্টেশনে আসি,
চেয়ে চেয়ে দেখতে ভালোবাসি ।
ব্যস্ত হয়ে ওরা টিকিট কেনে,
ভাঁটির ট্রেনে কেউ বা চড়ে
কেউ বা উজান ট্রেনে ।
সকাল থেকে কেউ বা থাকে ব'সে,
কেউ বা গাড়ি ফেল্ করে তার
শেষ মিনিটের দোষে ।

দিনরাত গড়্গড়্ ঘাড়্ঘাড়্,
গাড়ি ভরা মানুষের ছোট্ট ঝড় ।
ঘন ঘন গতি তার ঘুরবে
কভু পশ্চিমে, কভু পূর্বে ॥

নবজাতক

চলচ্ছবির এই যে মূর্তিখানি
মনেতে দেয় আনি'
নিত্যমেলার নিত্যভোলার ভাষা
কেবল যাওয়া-আসা ।
মঞ্চতলে দণ্ডে পলে
ভিড় জমা হয় কত,
পতাকাটা দেয় ছলিয়ে
কে কোথা হয় গত ।
এর পিছনে সুখ দুঃখ
ক্ষতिलाভের তাড়া
দেয় সবলে নাড়া ।

সময়ের ঘড়িধরা অঙ্কেতে
ভেঁা ভেঁা ক'রে বাঁশি বাজে সংকেতে ।
দেরি নাহি সয় কারো কিছুতেই,
কেহ যায়, কেহ থাকে পিছুতেই ॥

ওদের চলা ওদের পড়ে থাকায়
আর কিছু নেই, ছবির পরে
কেবল ছবি আঁকায় ।

নবজাতক

খানিকক্ষণ যা চোখে পড়ে
তার পরে যায় মুছে,
আত্ম অবহেলার খেলা
নিত্যই যায় ঘুচে ।
ছেঁড়া পটের টুকরো জমে
পথের প্রান্ত জুড়ে',
তপ্ত দিনের ক্রান্ত হাওয়ায়
কোনখানে যায় উড়ে ।
গেল গেল ব'লে যারা
ফুকরে কৈদে ওঠে
ক্ষণিক পরে কান্না সমেত
তারাই পিছে ছোটে ।

ঢং ঢং বেজে ওঠে ঘণ্টা
এসে পরে বিদায়ের ক্ষণটা ।
মুখ রাখে জানলায় বাড়িয়ে,
নিমেষেই নিয়ে যায় ছাড়িয়ে ॥

চিত্রকরের বিশ্বভূবনখানি—

এই কথাটাই নিলাম মনে মানি' ।

নবজাতক

কর্মকারের নয় এ গড়া পেটা,
আঁকড়ে ধরার জিনিস এ নয়
দেখার জিনিস এটা ।
কালের পরে যায় চলে কাল
হয় না কভু হারা
ছবির বাহন চলাফেরার ধারা ।
তুবেলা সেই এ সংসারের
চলতি ছবি দেখা,
এই নিয়ে রই যাওয়া-আসার
ইন্সটেশনে একা ॥

এক তুলি ছবিখানা এঁকে দেয়
আর তুলি কালী তাহে মেখে দেয় ।
আসে কারা এক দিক হতে ঐ,
ভাসে কারা বিপরীত স্রোতে ঐ ॥

শাস্তিনিকেতন

৭ জুলাই, ১৯৩৮

জবাবদিহি

কবি হয়ে দোল-উৎসবে
কোন্ লাজে কালো সাজে আসি,
এ নিয়ে রসিকা তোরা সবে
করেছিলি খুব হাসাহাসি ।
চৈত্রেয় দোল প্রাপ্তগে
আমার জবাবদিহি চাই
এ দাবি তোদের ছিল মনে
কাজ ফেলে আসিয়াছি তাই ।

দোলের দিনে, সে কি মনের ভুলে
পরেছিলাম যখন কালো কাপড়,
দখিন হাওয়া ছুয়ারখানা খুলে
হঠাৎ পিঠে দিল হাসির চাপড় ।
সকল বেলা বেড়াই খুঁজি খুঁজি
কোথা সে মোর গেল রঙের ডালা,
কালো এসে আজ লাগাল বুঝি
শেষ প্রহরে রং হরণের পালা ।

নবজাতক

ওরে কবি ভয় কিছু নেই তোর
কালো রং যে সকল রঙের চোর ।
জানি যে ওর বক্ষে রাখে তুলি
হারিয়ে-যাওয়া পূর্ণিমা ফাল্গুনী,
অস্তরবির রঙের কালো বুলি,
রসের শাস্ত্রে এই কথা কয় শুনি ।
অন্ধকারে অজানা সন্ধানে
অচিন লোকে সীমাবিহীন রাতে
রঙের তৃষা বহন করি প্রাণে
চলব যখন তারার ইশারাতে,
হয়তো তখন শেষ বয়সের কালো
করবে বাহির আপন গ্রন্থি খুলি’
যৌবনদীপ, জাগাবে তাব আলো
ঘুম ভাঙা সব রাঙা প্রহরগুলি ।
কালো তখন রঙের দীপালিতে
স্মর লাগাবে বিস্মৃত সংগীতে ॥

উদয়ন

২৮ মার্চ, ১৯৪০

সাড়ে ন'টা

সাড়ে ন'টা বেজেছে ঘড়িতে ;
সকালের মুহূর্তে
তন্দ্রাবেশে হাওয়া যেন রোদ পোহাইছে
পাহাড়ের উপত্যকা নিচে
বনের মাথায়
সবুজের আমন্ত্রণ-বিছানো পাতায় ।
বৈঠকখানার ঘরে রেডিয়োতে
সমুদ্রপারের দেশ হতে
আকাশে প্লাবন আনে সুরের প্রবাহে,
বিদেশিনী বিদেশের কণ্ঠে গান গাহে
বহু যোজনের অন্তরালে ।
সব তার লুপ্ত হয়ে মিলেছে কেবল সুরে তালে ।
দেহহীন পরিবেশহীন
গীত স্পর্শ হতেছে বিলীন
সমস্ত চেতনা ছেয়ে ।

নবজাতক

যে বেলাটি বেয়ে
এল তার সাড়া
সে আমার দেশের সময়-সূত্র ছাড়া ।
একাকিনী, বহি রাগিণীর দীপশিখা
আসিছে অভিসারিকা
সর্বভারহীনা,
অরূপা সে অলক্ষিত আলোকে আসীনা ।
গিরিনদী সমুদ্রেব মানেনি নিষেধ,
করিয়াছে ভেদ
পথে পথে বিচিত্র ভাষার কলরব,
পদে পদে জন্ম মৃত্যু বিলাপ উৎসব ।
রণক্ষেত্রে নিদারুণ হানাহানি,
লক্ষ লক্ষ গৃহকোণে সংসারের তুচ্ছ কানাকানি,
সমস্ত সংসর্গ তার
একান্ত করেছে পরিহার ।
বিশ্বহারা
একখানি নিরাসক্ত সংগীতের ধারা ।
যক্ষের বিরহগাথা মেঘদূত
সেও জানি এমনি অদ্ভুত ।
বাণীমূর্তি সেও একা ।
শুধু নামটুকু নিয়ে কবির কোথাও নেই দেখা ।

নবজাতক

তার পাশে চুপ
সেকালের সংসারের সংখ্যাহীন রূপ ।
সেদিনের যে প্রভাতে উজ্জয়িনী ছিল সমুজ্জল
জীবনে উচ্ছল
ওর মাঝে তার কোনো আলো পড়ে নাই ।
রাজার প্রতাপ সেও ওর ছন্দে সম্পূর্ণ বুখাই ।
যুগ যুগ হয়ে এল পার
কালের বিপ্লব বেয়ে, কোনো চিহ্ন আনে নাই তার ।
বিপুল বিশ্বের মুখরতা
উহার শ্লোকের পটে স্তব্ধ করে দিল সব কথা ॥

মংপু

৮ জুন, ১৯৩৯

নবজাতক

প্রবাসী

হে প্রবাসী,
আমি কবি যে বাণীর প্রসাদ-প্রত্যাশী
অন্তরতমের ভাষা
সে করে বহন। ভালোবাসা
তারি পক্ষে ভর করি নাহি ডানে দূর।
রক্তের নিঃশব্দ সুর
সদা চলে নাড়ীতন্তু বেয়ে
সেই সুর যে ভাষার শব্দে আছে ছেয়ে
বাণীর অতীতগামী তাহারি বাণীতে
ভালোবাসা আপনার গূঢ় রূপ পারে যে জানিতে।
হে বিষয়ী, হে সংসারী, তোমরা যাহারা
আত্মহারা,
যারা ভালোবাসিবার বিশ্বপথ
হারিয়েছ, হারিয়েছ আপন জগৎ,
রয়েছ আত্মবিরহী গৃহকোণে
বিরহের ব্যথা নেই মনে।
আমি কবি পাঠালেম তোমাদের উদ্ভ্রান্ত পরানে
সে ভাষার দৌত্য, যাহা হারানো নিজেরে কাছে আনে,

নবজাতক

ভেদ করি মরুকারা
শুদ্ধ চিন্তে নিয়ে আসে বেদনার ধারা ।
বিস্মৃতি দিয়েছে তাহে ঘের
আজন্মকালের যাহা নিত্য দান চিরসুন্দরের, —
তারে আজ লও ফিরে ।
লক্ষ্মীর মন্দিরে
আমি আনিয়াছি নিমন্ত্ৰণ,
জানায়েছি, সেথাকার তোমার আসন
অন্যমনে তুমি আছ ভুলি ।
জড় অভ্যাসের ধূলি
আজি নববর্ষে পুণাক্ষণে
যাক উড়ে, তোমার নয়নে
দেখা দিক্—এ ভুবনে সর্বত্রই কাছে আসিবার
তোমার আপন অধিকার ।

সুদূরের মিতা
মোর কাছে চেয়েছিলে নূতন কবিতা ।
এই লও বুঝে,
নূতনের স্পর্শমন্ত্র এর ছন্দে পাও যদি খুঁজে ॥

নবজাতক

জন্মদিন

তোমরা রচিলে যারে
নানা অলংকারে
তারে তো চিনি নে আমি,
চেনেন না মোর অন্তর্যামী
তোমাদের স্বাক্ষরিত সেই মোর নামের প্রতিমা ।
বিধাতার সৃষ্টিসীমা
তোমাদের দৃষ্টির বাহিরে ।

কালসমুদ্রের তীরে
বিরলে রচেন মূর্তিখানি
বিচিত্রিত রহস্যের যবনিকা টানি
রূপকার আপন নিভৃত্তে ।

নবজাতক

বাহির হইতে
মিলায়ে আলোক অন্ধকার
কেহ এক দেখে তারে কেহ দেখে আর ।
খণ্ড খণ্ড রূপ আর ছায়া
আর কল্পনার মায়।
আর মাঝে মাঝে শূন্য, এই নিয়ে পরিচয় গাঁথে
অপরিচয়ের ভূমিকাতে ।
সংসার-খেলার কক্ষে তাঁর
যে-খেলেনা রচিলেন মূর্তিকার
মোরে লয়ে মাটিতে আলোতে
সাদায় কালোতে,
কে না জানে সে ক্ষণভঙ্গুর
কালের চাকার নিচে নিঃশেষে ভাঙিয়া হবে চুর ।
সে বহিয়া এনেছে যে দান
সে করে ক্ষণেক তরে অমরের ভান,
সহসা মুহূর্তে দেয় ফাঁকি
মুঠি কয় ধূলি রয় বাকি,
আর থাকে কালরাত্রি সব চিহ্ন ধুয়ে-মুছে-ফেলা ।
তোমাদের জনতার খেলা
রচিল যে পুতুলিরে
সে কি লুক্ক বিরাট ধূলিরে
এড়ায়ে আলোতে নিত্য র'বে ।

নবজাতক

এ কথা কল্পনা করো যবে
তখন আমার
আপন গোপন রূপকার
হাসেন কি আঁখিকোণে
সে কথাই ভাবি আজ মনে ॥

পুরী

২৫ বৈশাখ, ১৩৪৬

— .

প্রশ্ন

চতুর্দিকে বহিবাষ্প শূণ্যাকাশে ধায় বহুদূরে
কেন্দ্রে তার তারাপুঞ্জ মহাকাল চক্রপথে ঘুরে ।
কত বেগ, কত তাপ, কত ভার, কত আয়তন,
সূক্ষ্ম অঙ্কে করেছে গণন
পণ্ডিতেরা, লক্ষ কোটি ক্রোশ দূর হতে
দুর্লভ্য আলোতে ।

আপনার পানে চাই
লেশমাত্র পরিচয় নাই ।
এ কি কোনো দৃশ্যাতীত জ্যোতি ।
কোন্ অজানারে ঘিরি এই অজানার নিত্য গতি ।
বহুযুগে বহুদূরে স্মৃতি আর বিস্মৃতি বিস্তার,
যেন বাষ্প পরিবেশ তার
ইতিহাসে পিণ্ড বাঁধে রূপে রূপান্তরে ।
“আমি” উঠে ঘনাইয়া কেন্দ্রে মাঝে অসংখ্য বৎসরে ।
সুখ দুঃখ ভালোমন্দ রাগ দ্বেষ ভক্তি সখ্য স্নেহ
এই নিয়ে গড়া তার সত্তা দেহ ;

নবজাতক

এরা সব উপাদান ধাক্কা পায়, হয় আবর্তিত
পুঞ্জিত, নর্তিত ।

এরা সত্য কী যে
বুঝি নাই নিজে ।

বলি তারে মায়া,
যা'ই বলি শব্দ সেটা, অব্যক্ত অর্থের উপছায়া ।
তার পরে ভাবি,
এ অজ্ঞেয় সৃষ্টি “আমি” অজ্ঞেয় অদৃশ্যে যাবে নাবি’ ।
অসীম রহস্য নিয়ে মুহূর্তের নিরর্থকতায়
লুপ্ত হবে নানারঙা জল বিশ্বপ্রায়,
অসমাপ্ত রেখে যাবে তার শেষ কথা
আত্মার বারতা ।

তখনো সূদূরে ঐ নক্ষত্রের দূত
ছুটাবে অসংখ্য তার দীপ্ত পরমাণুর বিদ্যুৎ
অপার আকাশ মাঝে,
কিছুই জানি না কোন্ কাজে ।
বাজিতে থাকিবে শূন্যে প্রশ্নের সূতীব্র আতঁস্বর,
ধ্বনিবে না কোনোই উত্তর ॥

শ্রামলী,

৭ ডিসেম্বর, ১৯৩৮

রোম্যান্টিক

আমারে বলে যে ওরা রোম্যান্টিক ।
সে কথা মানিয়া লই
রসতীর্থ পথের পথিক ।
মোর উত্তরীয়ে
রং লাগায়েছি প্রিয়ে ।
ছয়ার বাহিরে তব আসি যবে
সুর করে ডাকি আমি ভোরের ভৈরবে ।
বসন্ত বনের গন্ধ আনি তুলে
রজনীগন্ধার ফুলে
নিভৃত হাওয়ায় তব ঘরে ।
কবিতা শুনাই মৃদুশব্দে
ছন্দ তাহে থাকে
তার ফাঁকে ফাঁকে
শিল্প রচে বাক্যের গাঁথুনি—
তাই শুনি’

নবজাতক

নেশা লাগে তোমার হাসিতে ।
আমার বাঁশিতে
যখন আলাপ করি মূলতান
মনের রহস্য নিজ রাগিণীর পায় যে সন্ধান ।
যে কল্ললোকের কেন্দ্রে তোমারে বসাই
ধূলি-আবরণ তার সযত্নে খসাই
আমি নিজে সৃষ্টি করি তারে ।
ফাঁকি দিয়ে বিধাতারে,
কারুশালা হতে তাঁর চুরি করে আনি রং-রস
আনি তাঁরি জাহ্নবী পরশ ।
জানি তার অনেকটা মায়া,
অনেকটা ছায়া ।
আমারে শুধাও যবে এরে কভু বলে বাস্তবিক ?
আমি বলি কখনো না, আমি রোম্যান্টিক ।
যেথা ঐ বাস্তব জগৎ
সেখানে আনাগোনার পথ
আছে মোর চেনা ।
সেথাকার দেনা
শোধ করি, সে নহে কথায় তাহা জানি
তাহার আত্মনা আমি মানি ।
দৈন্ত সেথা, ব্যাধি সেথা, সেথায় কুশ্রীতা,
সেথায় রমণী দম্ভ্যভীতা,

নবজাতক

সেথায় উত্তরী ফেলি' পরি বর্ম,
সেথায় নিমম কর্ম,
সেথা ত্যাগ, সেথা দুঃখ, সেথা ভেরি বাজুক মাইভে:
শৌখিন বাস্তব যেন সেথা নাহি হই।
সেথায় সুন্দর যেন ভৈরবের সাথে
চলে হাতে হাতে ॥

ক্যাণ্ডীয় নাচ

সিংহলে সেই দেখেছিলেম ক্যাণ্ডিদলের নাচ ;
শিকড়গুলোর শিকল ছিঁড়ে যেন শালের গাছ
পেরিয়ে এল মুক্তি-মাতাল খ্যাপা
ছংকার তার ছুটল আকাশ-ব্যাপা ।
ডালপালা সব ছুড় দাড়িয়ে ঘূর্ণি হাওয়ায় কহে—
নহে, নহে, নহে,—
নহে বাধা, নহে বাঁধন, নহে পিছন-ফেরা,
নহে আবেগ স্বপ্ন দিয়ে ঘেরা,
নহে মৃদু লতার দোলা, নহে পাতার কাঁপন,
আগুন হয়ে জ্বলে ওঠা এ যে তপের তপন ।
ওদের ডেকে বলেছিল সমুদ্রের ঢেউ
আমার ছন্দ রক্তে আছে এমন আছে কেউ ।
ঝঙ্কা ওদের বলেছিল, মঞ্জীর তোর আছে
ঝংকারে যার লাগাবে লয় আমার প্রলয় নাচে ।
ঐ যে পাগল দেহখানা, শূন্যে ওঠে বাহু,
যেন কোথায় হাঁ করেছে রাহু,

নবজাতক

লুক্ক তাহার ক্ষুধার থেকে চাঁদকে কববে ত্রাণ,
পুণিমাকে ফিরিয়ে দেবে প্রাণ ।
মহাদেবের তপোভঙ্গে যেন বিষম বেগে
নন্দী উঠল জেগে,
শিবের ক্রোধের সঙ্গে
উঠল জ্বলে হৃদাম তার প্রতি অঙ্গে অঙ্গে
নাচের বহির্শিখা
নিদয়া নির্ভীকা ।

খুঁজতে ছোট্টে মোহ মদের বাহন কোথায় আছে
দাহন করবে এই নিদারুণ আনন্দময় নাচে ।
নটরাজ যে পুরুষ তিনি, তাওবে তাঁর সাধন,
আপন শক্তি মুক্ত করে ছেঁড়েন আপন বাঁধন ;
দুঃখবেগে জাগিয়ে তোলেন সকল ভয়ের ভয়,
জয়ের নৃতো আপনাকে তাঁর জয় ॥

আলমোড়া
জ্যৈষ্ঠ, ১৩৪৪

অবজিত

আমি চলে গেলে ফেলে রেখে যাব পিছু
চিরকাল মনে রাখিব, এমন কিছু,
মৃত্যু করা তা নিয়ে মিথ্যে ভেবে ।
ধুলোর খাজনা শোধ করে নেবে ধুলো
চুকে গিয়ে তবু বাকি র'বে যতগুলো
গরজ যাদের তারাই তা খুঁজে নেবে ।
আমি শুধু ভাবি, নিজেরে কেমনে ক্ষমি,
পুঞ্জ পুঞ্জ বকুনি উঠেছে জমি',
কোন সৎকারে করি তার সদৃগতি ।
কবির গর্ব নেই মোর হেন নয়,
কবির লজ্জা পাশাপাশি তারি রয়,
ভারতীর আছে এই দয়া মোর প্রতি ।
লিখিতে লিখিতে কেবলি গিয়েছি ছেপে
সময় রাখিনি ওজন দেখিতে মেপে,
কীতি এবং কুকীতি গেছে মিশে ।

ছাপার কালিতে অস্থায়ী হয় স্থায়ী,
 এ অপরাধের জন্তে যে জন দায়ী
 তার বোঝা আজ লঘু করা যায় কিসে ।
 বিপদ ঘটাতে শুধু নেই ছাপাখানা,
 বিছানুরাগী বন্ধু রয়েছে নানা ;—
 আবর্জনারে বর্জন করি যদি
 চারিদিক হতে গর্জন করি উঠে,
 “ঐতিহাসিক সূত্র দিবে কি টুটে,
 যা ঘটেছে তারে রাখা চাই নিরবধি ।”
 ইতিহাস বুড়ো, বেড়াজাল তার পাতা,
 সঙ্গে রয়েছে হিসাবের মোটা খাতা,
 ধরা যাহা পড়ে কদেঁ সকলি আছে ।
 হয় আর নয়, খোঁজ রাখে শুধু এই,
 ভালোমন্দর দরদ কিছুই নেই,
 মূল্যের ভেদ তুল্য তাহার কাছে ।
 বিধাতাপুরুষ ঐতিহাসিক হোলে
 চেহারা লইয়া ঋতুরা পড়িত গোলে,
 অজ্ঞান তবে ফাগুন রহিত ব্যোপে ।
 পুরানো পাতারা ঝরিতে যাইত ভুলে,
 কচি পাতাদের আঁকড়ি রহিত ঝুলে,
 পুরাণ ধরিত কাব্যের টুঁটি চেপে ।

নবজাতক

জোড়হাত ক'রে আমি বলি, শোনো কথা,
সৃষ্টির কাজে প্রকাশেরি ব্যগ্রতা,
ইতিহাসটারে গোপন করে সে রাখে,
জীবনলক্ষ্মী মেলিয়া রঙের রেখা
ধরার অঙ্গে আঁকিছে পত্রলেখা,
ভূ-তত্ত্ব তার কংকালে ঢাকা থাকে ।
বিশ্বকবির লেখা যত হয় ছাপা,
প্রফিটিটে তার দশগুণ পড়ে চাপা,
নব এডিশনে নূতন করিয়া তুলে ।
দাগী যাহা, যাহে বিকার, যাহাতে ক্ষতি
মমতামাত্র নাহি তো তাহার প্রতি,
বাঁধা নাহি থাকে ভুলে আর নিভুলে ।
সৃষ্টির কাজ লুপ্তির সাথে চলে,
ছাপায়ন্ত্রের ষড়যন্ত্রের বলে
এ বিধান যদি পদে পদে পায় বাধা
জীর্ণ ছিন্ন মলিনের সাথে গৌজা
কৃপণ পাড়ার রাশীকৃত নিয়ে বোঝা
সাহিত্য হবে শুধু কি ধোবার গাধা ।
যাহা কিছু লেখে সেরা নাহি হয় সবি,
তা'নিয়ে লজ্জা না করুক কোনো কবি,
প্রকৃতির কাজে কত হয় ভুল চুক ;

নবজাতক

কিন্তু হেয় যা শ্রৈয়েব কোঠায় ফেলে
তারেও রক্ষা করিবার ভূতে পেলে
কালের সভায় কেমনে দেখাবে মুখ ।
ভাবী কালে মোর কী দান শ্রদ্ধা পাবে,
খ্যাতিধারা মোব কত দূব চলে যাবে,
সে লাগি চিন্তা করার অর্থ নাহি ।
বর্তমানের ভরি অর্থের ডালি
অদেয় যা দিহু মাথায় ছাপাব কালি
তাহারি লাগিয়া মার্জনা আমি চাহি ॥

৫ জুন, ১৯৩৫

চন্দননগর

শেষ হিসাব

চেনা শোনার সাঁঝবেলাতে
 শুনতে আমি চাই
পথে পথে চলার পালা
 লাগল কেমন ভাই ।
ছুর্গম পথ ছিল ঘরেই,
 বাইরে বিরাট পথ,
তেপান্তরের মাঠ কোথা বা
 কোথা বা পর্বত ।
কোথা বা সে চড়াই উচু,
 কোথা বা উৎরাই,
 কোথা বা পথ নাই ।
মাঝে মাঝে জুটল অনেক ভালো,
 অনেক ছিল বিকট মন্দ,
 অনেক কুশ্রী কালো ।
ফিরেছিলে আপন মনেব
 গোপন অলিগলি,
পরের মনের বাহির দ্বারে
 পেতেছ অঞ্জলি ।

নবজাতক

আশাপথের রেখা বেয়ে
কতই এলে গেলে,
পাওনা ব'লে যা পেয়েছ
অর্থ কি তার পেলে ।
অনেক কেঁদে কেটে
ভিক্ষার ধন জুটিয়েছিলে
অনেক রাস্তা হেঁটে ।
পথের মধ্যে লুঠেল দস্যু
দিয়েছিল হানা,
উজাড় করে নিয়েছিল
ছিন্ন ঝুলিখানা ।
অতি কঠিন আঘাত তারা
লাগিয়েছিল বুকে,
ভেবেছিলুম, চিহ্ন নিয়ে
সে সব গেছে চুকে ।
হাটে বাটে মধুর যাহা
পেয়েছিলুম খুঁজি
মনে ছিল যত্নের ধন
তাই রয়েছে পুঁজি ।
হায়রে ভাগ্য, খোলো তোমার ঝুলি,
তাকিয়ে দেখো, জমিয়েছিলে ধূলি ।
নিষ্ঠুর যে, ব্যর্থকে সে
করে যে বর্জিত,

নবজাতক

দৃঢ় কঠোর মুষ্টিতলে
রাখে সে অর্জিত
নিত্যকালের রতন কণ্ঠহার ;
চির মূল্য দেয় সে তারে
দারুণ বেদনার ।
আর যা কিছু জুটেছিল
না চাহিতেই পাওয়া
আজকে তারা ঝুলিতে নেই,
রাত্রিদিনের হাওয়া
ভরল তা'রাই, দিল তা'রা
পথে চলার মানে,
রইল তা'রাই একতারাতে
তোমার গানে গানে ॥

সন্ধ্যা

দিন সে প্রাচীন অতি প্রবীণ বিষয়ী,
তীক্ষ্ণদৃষ্টি, বস্তুর-জ্যজয়ী,
দিকে দিকে প্রসারিয়া গনিছে সম্বল আপনার ।
নবীনা শ্রামলা সন্ধ্যা পবেছে জ্যোতির অলংকার
চির নববধু,
অন্তরে সলজ্জ মধু
অদৃশ্য ফুলের কুঞ্জে রেখেছে নিভৃতে ।
অবগুণ্ঠনের অলক্ষিতে
তার দূর পরিচয়
শেষ নাহি হয় ।
দিনশেষে দেখা দেয় সে আমার বিদেশিনী,
তারে চিনি তবু নাহি চিনি ।

জয়ধ্বনি

যাবার সময় হোলে জীবনের সব কথা সেরে
শেষ বাক্যে জয়ধ্বনি দিয়ে যাব মোর অদৃষ্টেরে ।

বলে যাব, পরমক্ষণের আশীর্বাদ
বার বার আনিয়াছে বিশ্বয়ের অপূর্ব আশ্বাদ ।
যাহা রুগ্ন, যাহা ভগ্ন, যাহা মগ্ন পঙ্কস্তরতলে

আত্মপ্রবঞ্চনাহলে
তাহারে করি না অস্বীকার ।

বলি বার বার
পতন হয়েছে যাত্রাপথে

ভগ্ন মনোরথে

বারেবারে পাপ

৷ ললাটে লেপিয়া গেছে কলঙ্কের ছাপ ;

বার বার আত্মপরাভব কত

দিয়ে গেছে মেরুদণ্ড করি নত ;

কদর্ঘের আক্রমণ ফিরে ফিরে

দিগন্ত গ্লানিতে দিল ঘিরে ।

নবজাতক

মামুষেব অসম্মান ছুঁবিষহ ছুখে
উঠেছে পুঞ্জিত হয়ে চোখের সম্মুখে,
ছুটিনি করিতে প্রতিকার,
চিরলগ্ন আছে প্রাণে ধিক্কার তাহার।

অপূর্ণ শক্তির এই বিকৃতির সহস্র লক্ষণ
দেখিয়াছি চারি দিকে সারাক্ষণ,
চিরন্তন মানবের মহিমারে তবু
উপহাস করি নাই কভু।
প্রত্যক্ষ দেখেছি যথা
দৃষ্টির সম্মুখে মোব হিমাদ্রিরাজের সমগ্রতা,
গুহাগহ্বরের যত ভাঙাচোরা রেখাগুলো তারে
পারেনি বিদ্রূপ করিবাবে,
যত কিছু খণ্ড নিয়ে অখণ্ডেরে দেখেছি তেমনি,
জীবনের শেষ বাক্যে আজি তারে দিব জয়ধ্বনি ॥

শ্রামলী

২৬ নভেম্বর, ১৯৩৯

নবজাতক

প্রজাপতি

সকালে উঠেই দেখি
প্রজাপতি এ কি
আমার লেখার ঘরে,
শেলফের পরে
মেলেছে নিষ্পন্দ ছুটি ডানা,—
রেশমি সবুজ রং তাব পরে সাদা রেখা টানা ।
সন্ধ্যাবেলা বাতির আলোয় অকস্মাৎ
ঘবে ঢুকে সারারাত
কী ভেবেছে কে জানে তা,
কোনোখানে হেথা
অরণ্যের বর্ণ গন্ধ নাই,
গৃহসজ্জা ওর কাছে সমস্ত বুথাই ।

বিচিত্র বোধের এ ভুবন,
লক্ষকোটি মন
একই বিশ্ব লক্ষকোটি ক'বে জানে
রূপে রসে নানা অনুমানে ।

নবজাতক

লক্ষকোটি কেন্দ্র তা'রা জগতের,
সংখ্যাহীন স্বতন্ত্র পথের
জীবন যাত্রার যাত্রী,
দিনরাত্রি
নিজের স্বাতন্ত্র্যরক্ষা কাজে
একান্ত রঘেছে বিশ্বমাঝে ।
প্রজাপতি বসে আছে যে কাব্যপুঁথির পরে
স্পর্শ তারে করে,
চক্ষে দেখে তারে,
তার বেশি সত্য যাহা, তাহা একেবারে
তার কাছে সত্য নয়,
অঙ্ককারময় ।
ও জানে কাহারে বলে মধু, তবু
মধুর কী সে রহস্য জানে না ও কভু ।
পুষ্পপাত্রে নিয়মিত আছে ওর ভোজ,
প্রতিদিন করে তার খোঁজ
কেবল লোভের টানে,
কিন্তু নাহি জানে
লোভের অতীত যাহা । সুন্দর যা, অনির্বচনীয়,
যাহা প্রিয়,
সেই বোধ সীমাহীন দূরে আছে
তার কাছে ।

নবজাতক

আমি যেথা আছি
মন যে আপন টানে তাহা হতে সত্য লয় বাছি ।
যাহা নিতে নাহি পারে
তাই শূন্যময় হয়ে নিত্য ব্যাপ্ত তাব চারিধারে ।
কী আছে বা নাই কী এ,
সে শুধু তাহার জানা নিয়ে ।
জানে না যা, যার কাছে স্পষ্ট তাহা, হয় তো বা কাছে
এখনি সে এখানেই আছে,
আমার চৈতন্যসীমা অতিক্রম করি বহুদূরে
রূপের অন্তরদেশে অপরূপপুরে ।
সে আলোকে তার ঘর
যে আলো আমার অগোচর ॥

শ্রামলী

১০ মার্চ, ১৯৩৯

প্রবীণ

বিশ্ব-জগৎ যখন করে কাজ
স্পর্ধা ক'রে পরে ছুটিব সাজ ।
আকাশে তার আলোর ঘোড়া চলে,
কৃতিত্বেরে লুকিয়ে রাখে পরিহাসের ছলে ।
বনের তলে গাছে গাছে শ্যামল রূপের মেলা,
ফুলে ফলে নানান্ রঙে নিত্য নতুন খেলা ।
বাহির হতে কে জানতে পায় শান্ত আকাশতলে
প্রাণ বাঁচাবার কঠিন কর্মে নিত্য লড়াই চলে ।
চেষ্টা যখন নগ্ন হয়ে শাখায় পড়ে ধরা,
তখন খেলার রূপ চলে যায়, তখন আসে জরা ।

বিলাসী নয় মেঘগুলো তো জলের ভারে ভরা
চেহারা তার বিলাসিতার রঙের ভূষণ পবা ।
বাইরে ওরা বুড়োমিকে দেয় না তো প্রশ্নয়,—
অন্তরে তাই চিরন্তনের বজ্রমন্ত্র রয় ।
জল-ঝরানো ছেলেখেলা যেমনি বন্ধ কবে,
ফ্যাকাশে হয় চেহারা তাব বয়স তাকে ধরে ।
দেহের মাঝে হাজার কাজে বহে প্রাণের বায়ু—
পালের তরীর মতন যেন ছুটিয়ে চলে আয়ু,

নবজাতক

বুকের মধ্যে জাগায় নাচন কণ্ঠে লাগায় সুর
সকল অঙ্গ অকারণে উৎসাহে ভরপুর।
রক্তে যখন ফুরোবে ওর খেলার নেশা খোঁজা
তখনি কাজ অচল হবে বয়স হবে বোঝা।

ওগো তুমি কী করছ ভাই স্তব্ধ সারাক্ষণ,
বুদ্ধি তোমার আড়ষ্ট যে ঝিমিয়ে-পড়া মন।
নবীন বয়স যেই পেরোলো খেলাঘরের দ্বারে,
মরচে-পড়া লাগল তালা বন্ধ একেবারে।
ভালোমন্দ বিচারগুলো খোঁটায় যেন পৌঁতা।
আপন মনের তলায় তুমি তলিয়ে গেলে কোথা।
চলার পথে আগল দিয়ে বসে আছ স্থির,
বাইরে এসো বাইরে এসো পরম গম্ভীর।
কেবলি কি প্রবীণ তুমি, নবীন নও কি তাও।
দিনে দিনে ছিছি কেবল বুড়ো হয়েই যাও।
আশি বছর বয়স হবে ওই যে পিপুল গাছ
এ আশ্বিনের রোদদূরে ওর দেখলে বিপুল নাচ ?
পাতায় পাতায় আবোল তাবোল শাখায় দোলাছুলি
পাশ্চ হাওয়ার সঙ্গে ও চায় করতে কোলাকুলি।
ওগো প্রবীণ চলো এবার সকল কাজের শেষে
নবীন হাসি মুখে নিয়ে চরম খেলার বেশে ॥

রাত্রি

অভিভূত ধরণীর দীপনেভা তোরণদ্বারে
আসে রাত্রি,

আধা অন্ধ, আধা বোবা,
বিরাট অস্পষ্ট মূর্তি,
যুগারম্ভ সৃষ্টিশালে অসমাপ্ত পুঞ্জীভূত যেন
নিদ্রার মায়ায়।

হয়নি নিশ্চিত ভাগ সত্যেব মিথ্যার,
ভালোমন্দ যাচাইয়ের তুলাদণ্ডে
বাটখারা ভুলের ওজনে।
কামনার যে পাত্রটি দিনে ছিল আলোয় লুকানো,
আধার তাহারে টেনে আনে,
ভরে দেয় সুরা দিয়ে
রজনীগন্ধার গন্ধে
ঝিমিঝিমি ঝিল্লির ঝননে,
আধ-দেখা কটাক্ষে ইঙ্গিতে।

নবজাতক

ছায়া করে আনাগোনা সংশয়ের মুখোষপরানো,
মোহ আসে কালো মূর্তি লাল রঙে এঁকে,
তপস্বীরে করে সে বিদ্রূপ ।
বেড়াজাল হাতে নিয়ে সঞ্চরে আদিম মায়াবিনী
যবে গুপ্ত গুহা হতে গোধূলির ধূসর প্রান্তরে
দস্যু এসে দিবসের রাজদণ্ড কেড়ে নিয়ে যায় ।

বিশ্বনাট্যে প্রথম অঙ্কের
অনিশ্চিত প্রকাশের যবনিকা
ছিন্ন করে এসেছিল দিন,
নির্ব্যাহিত করেছিল বিশ্বের চেতনা
আপনার নিঃসংশয় পরিচয় ।
আবার সে আচ্ছাদন
মাঝে মাঝে নেমে আসে স্বপ্নের সংকেতে ।
আবিল বুদ্ধির স্রোতে ক্ষণিকের মতো
মেতে ওঠে ফেনার নর্তন ।
প্রবৃত্তির হালে বসে কর্ণধার করে
উদ্ভ্রান্ত চালনা তন্দ্রাবিষ্ট চোখে ।
মিঁজেরে ধিক্কার দিয়ে মন ব'লে ওঠে,
নহি নহি আমি নহি অপূর্ণ সৃষ্টির
সমুদ্রের পঙ্কলোকে অন্ধ তলচর

নবজাতক

অর্ধশুট শক্তি যার বিহ্বলতা-বিলাসী মাতাল
তরলে নিমগ্ন অমুক্ষণ ।
আমি কর্তা, আমি মুক্ত, দিবসের আলোকে দীক্ষিত,
কঠিন মাটির পরে
প্রতি পদক্ষেপ যার
আপনারে জয় করে চলা ॥

পুনশ্চ

২৬ জুলাই, ১৯৩৯

শেষ বেলা

এল বেলা পাতা ঝরাবারে
শীর্ণ বলিত কায়া, আজ শুধু ভাঙা ছায়া
মেলে দিতে পারে ।
একদিন ডাল ছিল ফুলে ফুলে ভরা
নানা রং-করা ।
কুঁড়ি ধরা ফলে
কার যেন কী কৌতূহলে
উকি মেরে আসা
খুঁজে নিতে আপনার বাসা ।
ঋতুতে ঋতুতে
আকাশের উৎসব দূতে
এনে দিত পল্লব-পল্লীতে তার
কখনো পা-টিপে চলা হাল্কা হাওয়ার,
কখনো বা ফাগুনের অস্থির এলোমেলো চাল
জোগাইত নাচনের তাল ।

নবজাতক

জীবনের রস আজ মজ্জায় বহে,
বাহিরে প্রকাশ তার নহে ।
অন্তর বিধাতার সৃষ্টি-নিদেশে
যে অতীত পরিচিত, সে নূতন বেশে
সাজ বদলের কাজে ভিতরে লুকালো,
বাহিরে নিবিল দীপ, অন্তরে দেখা যায় আলো ।
গোধূলির ধূসবতা ক্রমে সন্ধ্যার
প্রাঙ্গণে ঘনায় আঁধার ।
মাঝে মাঝে জেগে ওঠে তারা
আজ চিনে নিতে হবে তাদের ইশারা ।
সমুখে অজানা পথ ইঙ্গিত মেলে দেয় দূরে,
সেথা যাত্রার কালে যাত্রীর পাত্রটি পূরে
সদয় অতীত কিছু সঞ্চয় দান করে তারে
পিপাসার থানি মিটাবারে ।
যত বেড়ে ওঠে রাত্রি
সত্য যা সেদিনের উজ্জ্বল হয় তার ভাতি ।
এই কথা গ্রন্থ জেনে নিভতে লুকায়ে
সারা জীবনের স্বপ্ন একে একে দিতেছি চুকায়ে ॥

১১ জানুয়ারি, ১৯৪০

নবজাতক

রূপ-বিরূপ

এই মোর জীবনের মহাদেশে
কত প্রান্তরের শেষে,
কত প্লাবনের স্রোতে
এলেম ভ্রমণ করি শিশুকাল হতে,
কোথাও রহস্যঘন অরণ্যের ছায়াময় ভাষা,
কোথাও পাণ্ডুর শুষ্ক মরুর নৈরাশা ;
কোথাও বা যৌবনের কুসুমপ্রগল্ভ বন-পথ,—
কোথাও বা ধ্যানমগ্ন প্রাচীন পর্বত
মেঘপুঞ্জ স্তব্ধ যার তুর্বোধ কৌ বাণী,
কাব্যের ভাণ্ডারে আনি’
স্মৃতিলেখা ছন্দে রাখিয়াছি ঢাকি,
আজ দেখি অনেক রয়েছে বাকি ।
সুকুমারী লেখনীর লজ্জা ভয়
যা পরুষ যা নির্ভুর উৎকট যা করেনি সঞ্চয়
আপনার চিত্রশালে,
তার সংগীতের তালে
ছন্দোভঙ্গ হোলো তাই
সংকোচে সে কেন বোঝে নাই ।

নবজাতক

সৃষ্টিরঙ্গভূমিতলে

রূপ-বিরূপের নৃত্য একসঙ্গে নিত্যকাল চলে,

সে দ্বন্দ্বের করতাল ঘাতে

উদাম চরণপাতে

সুন্দরের ভঙ্গী যত অকুণ্ঠিত শক্তিরূপ ধরে,

বাণীর সম্মোহবন্ধ ছিন্ন করে অবজ্ঞার ভরে ।

তাই আজ বেদমন্ত্রে হে বজ্রী তোমার করি স্তব,

তব মন্ত্ররব

করুক ঐশ্বর্যদান,

রৌদ্রী রাগিণীর দীক্ষা নিয়ে যাক মোর শেষ গান,

আকাশের রঞ্জে রঞ্জে

রুঢ় পৌরুষের ভন্দে

জাপ্তক হংকার,

বাণী-বিলাসীর কানে ব্যক্ত হোক ভৎসনা তোমার ॥

২৮ জানুয়ারি, ১৯৪০

নবজাতক

শেষ কথা

এ ঘরে ফুরাল খেলা
এল দ্বার রুধিবার বেলা ।
বিলয়বিলীন দিন শেষে
ফিরিয়া দাঁড়াও এসে
যে ছিলে গোপনচর
জীবনের অন্তরতব ।
ঋণিক মুহূর্ত তরে চরম আলোকে
দেখে নিই স্বপ্নভাঙা চোখে,
চিনে নিই এ লীলার শেষ পরিচয়ে
কী তুমি ফেলিয়া গেলে কী রাখিলে অস্তিম সঙ্কেতে ।
কাছের দেখায় দেখা পূর্ণ হয় নাই
মনে মনে ভাবি তাই
বিচ্ছেদেব দূর দিগন্তেব ভূমিকায়
পরিপূর্ণ দেখা দিবে অন্তরবি রশ্মির রেখায় ।

নবজাতক

জানি না বুঝি কি না প্রলয়ের সীমায় সীমায়
শুভ্রে আর কালিমায়
কেন এই আসা আর যাওয়া,
কেন হারাবা লাগি এতখানি পাওয়া ॥
জানি না এ আজিকার মুছে-ফেলা ছবি
আবার নূতন বঙে আঁকিবে কি তুমি শিল্পী কবি ।

উদয়ন

৪ এপ্রিল, ১৯৪০